

NOVAE COLEOPTERORUM SPECIES,

A

CAROLO HENRICO BOHEMANN

DESCRIPTAE.



NOVAE COLEOPTERORUM SPECIES

A

Carolo Henrico Bohemann descriptae.

Si quis intuetur numerum novorum Insectorum specierum, quae proximis annis descriptae sunt ac definitae, is facile admirabitur multitudinem animantium, quibus referta est Natura, praesertim, quo quis maxime dijudicat, quid in hac classe animalium numerosissima ulterius detegere restat. Genera, quorum decennio ante pauciores quaedam species erant cognitae copiam jam habent maximam, quam ob causam proximis temporibus in plura Genera distributa sunt. Obveniet tamen huic divisioni vix ulla major dubitatio et difficultas, quam in curculionibus, respectu habito ad subtilitatem et similitudinem instrumentorum cibariorum, quae illorum sunt. Dominus Schönherr, qui labore per multos annos continuo et indefatigato hos in multa Genera distribuit, dispositionem hujus familiae in lucem sine mora editurus, quid sollertia et studium in partibus Historiae Naturalis difficillimis efficere valeat, monstrabit. Paucis ante annis mihi secum conversanti concessit D^{nus} Schönherr, ut ex sua collectione copiosa et novis speciebus referta, quaedam hujus familiae describerem simulque me admonuit, ut publici juris facerem ideoque et ad Nutum Illius conversus et studio libenter consulens, ut hisce descriptionibus in actis Scient. Societ. Mosquensis locus aperiatur, submitte rogo ac velim.

BRUCHUS.

1. BRUCHUS ORNATUS: ovatus niger, supra subdepressus, pube albida variegatus, elytris macula marginali

magna denudata nigra, antennis pedibusque rufo-testaceis.

Habitat in Sierra Leona. Dom. *Afzelius*. Mus. *Schönh.*

Magnitudo *Bruch Cisti*. Caput magnum, deflexum, nigrum opacum, subtriangulare, punctatum, inter oculos carinatum, collo longiore angustiore thoraci adnexum; oculi lunati, valde prominuli, nigri. Antennae longitudine dimidii corporis, extrorsum sensim crassiores, rufo-testaceae, articulis obconicis interne productis, ultimo ovato, sub-acuminato. Thorax sub-triangularis, antrorsum valde angustatus lateribus fere rectis, immarginatis, basi bisinuato-lobatus, angulis retrorsum productis, acuminatis, supra modice convexus, niger, granulato-punctatus, pilis cinereo-albidis adpersus; ante scutellum callus sub-elevatus bifidus dense niveo-pubescens. Scutellum parvum oblongo-ovatum niveo-pubescens. Elytra thorace latiora et pone basin adhuc magis dilatata, apice singulatim rotundata, supra depressa, nigra, pube depressa cinerea maculisque oblongis niveis variegata, regulariter et sat profunde punctato-striata, interstitiis subtilissime coriaceis, in medio marginis macula magna triangulari nigra, denudata. Pygidium semi-ovatum, pube densa argentea tectum. Corpus subtus valde convexus, subtilissime punctulatum, vellere denso sub-argenteo obductum. Pedes rufo-testacei, postici longiores, femoribus clavatis subtus ante apicem dente acuminato armatis.

2. *BRUCHUS INAEQUALIS*: ovatus niger, supra subdepressus, thoracis dorso lineis duabus longitudinalibus elevatis interruptis, elytris nigro-alboque variegatis, antennis pedibusque anterioribus rufo-testaceis.

Habitat — — — Mus *Schönh.*

Brucho granario paullo major. Corpus totum nigrum. Caput deflexum, creberrime punctulatum, pube cinereo-fulvescente obductum; oculi lunati, prominuli nigri. Antennae thorace paullo longiores rufo-testaceae, articulis quatuor baseos angustioribus, sequentibus multo crassioribus, ultimo ovato, sub-acuminato. Thorax sub-triangularis, antrorsum valde angustatus, lateribus rectis sub-elevatis, basi sinuato-lobatus, angulis retrorsum productis, supra inaequalis, in dorso lineis duabus longitudinalibus elevatis, antice abruptis, subtiliter punctatus, pube simili uti caput, tectus. Scutellum parvum, bipartitum, niveo-pilosum. Elytra thorace multo latiora et pone basin dilatata, apice singulatim rotundata, supra depressa, regulariter punctato-striata, interstitiis subtilissime coriaceis, pube nigro-alboque variegata, callus humeralis elevatus niger, et in medio baseos cujusvis elytri tuberculum nigrum distinctum. Pygidium sub-acuminatum, pube densa albida tectum, nigro-punctatum. Corpus subtus nigrum punctulatum tenue cinereo-pubescentis, ad latera abdominis punctis perpaucis niveis. Pedes quatuor anteriores rufo-testacei, postici longiores, toti nigri, femoribus dentatis.

3. BRUCHUS FLABELLICORNIS: ovatus niger, opacus, thorace rude rugoso-punctato, elytris punctato striatis, antennis crassis profunde serratis.

Habitat in Sierra Leona. Dom. *Afzelius*. Mus, *Schönh.*

Br. granario paullo minor. Caput angustum, deflexum, nigrum opacum, creberrime subtiliter punctulatum, inter oculos carinatum, collo longiori thoraci adnexum; oculi

lunati prominuli nigri. Antennae vix longitudine dimidii corporis, articulis tribus baseos angustioribus, sequentibus multo crassioribus profunde serratis. Thorax antice valde coarctatus rotundatus, lateribus immarginatis, postice sinuato-lobatus, angulis acuminatis, supra modice convexus, niger, opacus, sat rude rugoso-punctatus. Scutellum parvum, sub-quadratum, albido-pilosum. Elytra thoracis basi fere dimidio latiora et triplo longiora, supra parum convexa, nigra sub-opaca, regulariter et sat profunde striata et in striis punctata, interstitiis subtilissime coriaceis. Pygidium sub-cordatum, punctatum, pube depressa cinerea tectum. Corpus subtus convexum, nigrum punctulatum, tenue cinereo-pubescentis. Pedes nigri, postici paullo longiores, femoribus clavatis dentatis.

4. BRUCHUS DECORUS: oblongo-ovatus, niger, pube longiore grisea alboque variegatus, elytris macula magna sub-quadrata marginalis nigra, antennis crassis pedibusque rufo-testaceis.

Habitat in Tauria. Dom. Steven. Mus. Schönherr.

Magnitudo et facies *Bruchi ornati*, sed differt statura angustiore, pubescentia longiore, femoribus muticis et antennis crassioribus. Caput deflexum, nigrum, crebre subtiliter punctulatum; pube cinereo-brunnescente tectum; oculi lunati, prominuli, nigri. Antennae dimidio corpore longiores, rufo-testaceae, articulis tribus baseos angustioribus, extrorsum valde incrassatis serratis, articulo ultimo oblongo-ovato, sub-acuminato. Thorax antrorsum angustatus, rotundatus lateribus rectis immarginatis, postice bisinuatus, angulis parum prominulis, supra modice con-

vexus niger, sat profunde rugoso-punctatus, pilis cinereo-brunnescentibus tectus. Elytra thorace dimidio latiora et triplo longiora, punctato-striata parum convexa, nigra, pube cinereo-albida et cinereo-brunnescente variegata, macula magna marginali, subquadrata, nigra. Corpus subtus nigrum punctulatum, tenue albido-pubescentis. Pedes rufo-testacei, femoribus muticis omnibus basi nigris. Pygidium sub-acuminatum, pube densa albo-sericea tectum, versus apicem maculis duabus fuscis notatum.

5. BRUCHUS ASTRAGALI: oblongo-ovatus niger, pube grisea alboque variegatus, elytris albo-fasciatis, tibiis rufo-testaceis, tarsis genibus femorumque basi piccis.

Br. astragali. Dom. Steven in Litt.

Habitat in Tauria. Dom. Steven. Mus. Schönh.

Magnitudine *Br. granarii*, sed illo angustior. Caput angustum, deflexum, opacum, creberrime punctulatum, inter oculos longitudinaliter carinatum, collo longiori thoraci adnexum; oculi lunati prominuli nigri. Antennae nigrae, dimidio corpore longiores, articulis baseos angustioribus, sequentibus crassioribus, profunde serratis. Thorax antice coarctatus, capite cum oculis angustior rotundatus, immarginatus, postice bisinuato-lobatus, angulis acuminatis, supra modice convexus niger opacus rugoso punctatus, pube tenue grisea lectus. Scutellum oblongo quadratum cinereo-pilosum. Elytra thoracis basi vix dimidio latiora, supra subdepressa, nigra, opaca, pube depressa griseo-fusca tecta; fasciae duae e pilis albidioribus ornata, una ante et altera pone medium, punctato-striata, interstitiis

subtilissime coriaceis. Pygidium sub-cordatum, pube depressa cinerea tectum. Corpus subtus convexum nigrum punctulatum. Pedes rufo-testacei, femoribus a basi ultra medium piceis, tibiis ad basin etiam infuscatis; tarsis piceis.

6. *BRUCHUS PILOSUS*: ovatus niger, pube fulvescenti tectus, elytris punctato striatis, maculae duae denudatae nigrae, antennis brevioribus.

Habitat in Sierra Leona. Dom. *Afzelius*. Mus. *Schönh.*
Magnitudo *Bruchi lati*. Corpus totum nigrum, pube densa cinereo-fulvescenti obductum. Caput deflexum, nigrum, opacum, punctulatum, inter oculos obsolete carinatum, collo longiore angustiore thoraci adnexum; ante oculos macula parva rotundata albida. Antennae capite cum thorace vix longiores, articulis quatuor baseos angustioribus, sequentibus multo crassioribus atris, ultimo ovato, sub-acuminato, cinereo-pubescentes. Thorax sub-triangularis, antrorsum valde angustatus, lateribus sub-rectus, immarginatus, basi sinuato-lobatus, angulis productis, acuminatis, supra convexus, niger, granulato-punctatus, pilis cinereis, praesertim ad latera ante scutellum adspersus. Elytra thorace dimidio latiora et pone basin dilatata, singulatim rotundata, supra modice convexa, pube densa depressa cinerea tecta, maculae duae oblongae nigrae denudatae, quarum anterior minor; punctato-striata, interstitiis subtilissime coriaceis. Pygidium semi-ovatum, pube densa cinerea obductum. Corpus subtus valde convexum, subtilissime punctulatum, vellere denso simili tectum. Pedes breves, validi, nigri.

7. *BRUCHUS PUNCTELLUS*: oblongo - ovatus niger sub-nitidus, pube tenui cinerea tectus, thorace elytrisque albo - punctatis, antennis interne rufo - testaceis.

Habitat in Tauria. Dom Steven. Mus. Schönk.

Magnitudo *Bruchi lati*, sed paullo longior. Corpus totum nigrum, sub-nitidum, pube cinerea obductum. Caput deflexum, opacum, creberrime subtiliter punctulatum, in fronte tuberculum parvum, obsoletum; oculi prominuli, lunati, nigri. Antennae vix longitudine dimidii corporis, articulis tribus baseos angustioribus, rufo - testaceis, sequentibus crassioribus atris. Thorax latitudine baseos brevior, antice multo angustior, rotundatus, postice sinuato-lobatus, angulis retrorsum prominulis acutis, supra modice convexus, niger, rugoso - punctatus, pilis cinereo-albidis adpersus; in medio dorsi puncta duo parva paria albida et in medio baseos ante scutellum macula major e pilis depressis albidis. Scutellum parvum oblongo - quadratum albido - pilosum. Elytra thorace dimidio latiora et pone basin adhuc magis dilatata, apice singulatim rotundata, supra parum convexa, nigra sub-nitida, regulariter punctato - striata, interstitiis subtilissime coriaceis, puncta plura parva albo - pilosa sparsa. Pygidium rotundatum, pube tenui depressa cinerea tectum, maculis duabus oblongis obsoletis fuscis. Corpus subtus convexum, nigrum subtilissime punctulatum, tenue sericeo - pubescens. Pedes omnes toti nigri, postici longiores et crassiores, femoribus clavatis, subtus ante apicem dente acuminato armatis.

8. *BRUCHUS LENTIS*: oblongo - ovatus, niger cinereo - fulvescenti pubescens, elytris nigro - alboque variegatis, antennarum basi tibiisque anterioribus rufo testaceis, femoribus dentatis.

Br. lentis Koj. Dom. Megerle in Litt.

Habitat in Austria. Mus. *Schönh.*

Br. granario paullo minor et oblongior; corpus totum nigrum, pube cinereo - fulvescenti tectum. Caput deflexum, nigrum sub - nitidum creberrime subtiliter punctulatum; ore piceo; oculi lunati, prominuli, brunnei. Antennae capite cum thorace vix longiores articulis quinque baseos rufo - testaceis angustioribus, sequentibus multo crassioribus, nigris. Thorax brevis transversus, antice paullo angustior rotundatus, postice bisinuatus, supra modice convexus, crebre subtiliter rugoso - punctatus, pube depressa cinereo - fulvescente undique aequaliter obductus, ante scutellum macula e pilis niveis. Scutellum oblongo - quadratum. Elytra thorace paullo latiora et illo triplo longiora, apice singulatim rotundata, supra subdepressa, cinereo - alboque variegata, regulariter at non profunde punctato - striata, interstitiis subtilissime coriaceis. Pygidium sub - rotundatum, pube densa cinerea tectum macula media magna elongata et alia parva rotundata utrinque e pilis albidis ornatum. Corpus subtus modice convexus, subtilissime punctulatum, vellere depresso cinereo tectum. Pedes quatuor anteriores tenues rufo - testacei, femoribus secundi paris nigris; postici longiores nigri, femoribus clavatis, dentatis.

9. *BRUCHUS 4-GUTTATUS*: ovatus niger opacus, pube tenui depressa nigro - fusca tectus, elytris maculis quatuor, scutello, macula ante - scutellari niveis, antennarum basi, pedibusque rufo testaceis.

Habitat in Nova Hollandia Mus. *Schönh.*

Bruchus Pisi statura similis, at paullo minor. Corpus totum nigrum opacum, pube depressa nigro - fusca obductum. Caput deflexum, crebre subtiliter punctulatum, inter oculos carinatum; ore piceo; oculi lunati, prominuli, nigri. Antennae corpore paullo longiores, articulo primo obconico, secundo parvo brevissimo, rufo - testaceis, sequentibus multo crassioribus atris profunde et acute serratis, ultimo etiam rufo - testaceo. Thorax latitudine baseos paullo brevior, antice angustior, rotundatus, postice bisinuatus, angulis retrorsum productis acuminatis, supra convexus subtiliter rugoso - punctatus, pilis nigro fuscis adpersus, in medio dorsi puncta duo minutissima paria et in medio baseos macula magna triangularis e pilis depressis niveis. Scutellum parvum bipartitum dense albido-pubescentis. Elytra thorace multo latiora et pone basin adhuc magis dilatata, apice singulatim rotundata, supra sub - depressa, regulariter punctato - striata, interstitiis subtilissime coriaceis, in ipsa sutura pone scutellum lineola albida, et in singulis elytris ad marginem macula major sub - rotundata et prope suturam ad apicem alia minor oblongo ovata etiam niveo - pubescentes. Pygidium pube tenui nigro - fusco tectum maculis duabus oblongis niveis. Corpus subtus valde convexum subtilissime punctulatum, nigro - fuscum, pubescens. Pedes rufo testacei, femoribus praesertim posticis ad basin infuscatis.

10. *BRUCHUS HISTRIO*: ovatus niger, elytris castaneis, cinereo sub - fasciatis, antennarum basi pedibusque rufo - testaceis, pygidium macula magna alba valde bis excisa ad basin notatum.

Habitat in Lusitania. Dom. *Lunstedt*. Mus *Schönh.*

Br. granario fere duplo major. Caput deflexum, nigrum, opacum, creberrime subtiliter punctulatum; oculi lunati, prominuli, nigri. Antennae serratae, longitudine fere corporis, articulis 2 et 3, rufo - testaceis, reliquis nigris. Thorax brevis transversus, antice angustior rotundatus, lateribus immarginatis, postice sinuato-lobatus, angulis acuminatis, supra convexus, niger opacus, sat profunde rugoso - punctatus, in medio parum sulcatus pilis cinereo - albidis versus angulos posticos et ante scutellum praesertim adpersus, in medio dorsi puncta duo minutissima albida. Scutellum oblongo - ovatum bipartitum, albido - pilosum. Elytra thorace multa latiora et pone basin adhuc magis dilatata apice obtuse rotundata, supra sub - depressa, castanea, sub - nitida, punctata striata, interstitiis subtilissime coriaceis, fasciis interruptis duabus una ad et altera pone medium, ornata e pube cinereo - albida. Pygidium nigrum punctatum, ad basin macula magna albida valde bi - excisa notatum. Corpus subtus valde convexum: nigrum subtilissime punctulatum cinereo - pubescens. Pedes rufo - testacei femoribus ad basin obscurioribus, muticis.

11. *BRUCHUS LUTEOLUS*: ovatus niger, pube fulvescenti tectus, helvolo - fuscoque variegatus, antennis pedibusque testaceis.

Habitat in Sierra Leona. Dom. *Afzelius* Mus. *Schönh.*

Magnitudo et statura *Bruchi granarii*. Corpus totum nigrum pube fulvescenti tectum. Caput deflexum crebre subtilissime punctulatum; oculi lunati brunnei. Antennae capite cum thorace vix longiores, tenues, subfiliformes, parum serratae, testaceae. Thorax latitudine baseos parum brevior, antice angustior, rotundatus, lateribus obliquis integris, postice sinuato lobatus, angulis retrorsum productis, acuminatis supra convexus, rugoso punctatus, pube fulvescenti adpersus. Scutellum parvum elongatum. Elytra thorace multo latiora et pone basin dilatata, apice singulatim rotundata, supra parum convexa punctato-striata, intestitiis subtilissime coriaceis, pube helvolescenti tecta apice et punctis aliquot sparsis fuscis variegatis. Pygidium rotundatum pube simili uti etiam corpus subtus obductum. Pedes rufo-testacei, femoribus, ad basin parum infuscatam, muticis.

12. BRUCHUS MARINUS: oblongo-ovatus niger, pube cinerea tectus, thorace elytrisque albo-punctatis, antennarum basi tibiisque anterioribus rufo testaceis, femoribus muticis.

Br. marinus. Dom. Steven in Litt.

Habitat in Tauria. Dom. Steven; in Lusitania, Dom. Lundstedt. Mus. *Schönh.*

Magnitudo et summa similitudo *Bruchi lentis*, a quo tamen differt, antennis thoraceque paullo longioribus et femoribus muticis. Corpus totum nigrum, pube cinerea obductum. Caput deflexum, crebre subtiliter punctulatum inter oculos valde carinatum; oculi lunati, prominuli, nigri. Antennae dimidio corpore paullo longiores vix ser-

ratae , articulis tribus baseos angustioribus rufo - testaceis, sequentibus multo crassioribus atris, ultimo ovato, sub-acuminato. Thorax latitudine baseos parum brevior, antice angustior rotundatus, postice sinuato - lobatus, angulis acuminatis, supra modice convexus, subtiliter rugoso-punctatus, in medio dorsi puncta duo parva albida, et in medio baseos macula major triangularis e pilis depressis albidis. Scutellum parvum oblongo - quadratum, bipartitum, albedo - pubescens. Elytra thorace dimidio latiora et pone basin parum dilatata, apice singulatim rotundata, supra sub - depressa, regulariter punctato - striata, interstitiis subtilissime coriaceis, cinereo - nigro alboque variegata. Pygidium semi - ovatum pube depressa, cinerea tectum. Corpus subtus convexus, subtilissime punctulatum pube simili ut pygidium adpersum ad latera punctis parvis e pube grisea. Pedes nigri, tibiis anterioribus rufo - testaceis, femoribus muticis.

13. *BRUCHUS TIBIALIS*: oblongo - ovatus niger, pube tenui, cinereo - albida tectus, antennis pedibusque anterioribus testaceis.

Habitat in Tauria. Dom. *Steven. Mus. Schönh.*

Magnitudo *Br. loti*, sed statura angustiore. Corpus totum nigrum pube tenui cinereo - albida tectum. Caput deflexum, crebre subtiliter punctulatum, sub - carinatum; ore piceo, oculi lunati, prominuli, nigri. Antennae vix longitudine dimidii corporis, tenues, testaceae, articulis quatuor baseos angustioribus, sequentibus paullo crassioribus, ultimo ovato, acuminato. Thorax latitudine baseos vix brevior antice parum angustior rotundatus, postice bisinuatus, angulis acuminatis, supra modice convexus,

subtiliter rugoso - punctatus. Scutellum parvum oblongo-quadratum. Elytra thorace paullo latiora et pone basin parum dilatata, apice singulatim rotundata, supra parum convexa, punctato - striata, interstitiis subtilissime coriaceis, pube tenui cinereo - albida hinc et illinc condensata, adpersa. Pygidium sub - elongatum, nigrum, punctatum. Corpus subtus pube tenui cinerea tectum. Pedes quatuor anteriores testacei tenues, femoribus ad basin ultra medium nigris, postici longiores et crassiores toti nigri, femoribus muticis.

14. BRUCHUS PAUPER: oblongo - ovatus, pube densa depressa cinereo - fulvescenti undique tectus, antennis tenuibus nigris.

Habitat in Khersoma. Dom. Lundstedt Mus. Schönh.

Br. loto paullo longior et angustior. Corpus totum nigrum pube cinereo - fulvescenti undique aequaliter obductum. Caput deflexum creberrime subtilissime punctulatum; oculi lunati, prominuli nigri. Antennae longitudine dimidii corporis tenues nigrae, articulis quatuor baseos angustioribus, sequentibus paullo crassioribus, ultimo ovato sub - acuminato. Thorax latitudine baseos vix brevior, antice angustior, rotundatus, postice bisinuatus, angulis retrorsum, productis acuminatis, supra convexus subtiliter rugoso - punctulatus. Scutellum parvum, oblongo - quadratum. Elytra thorace paullo latiora et pone basin parum dilatata, apice singulatim rotundata, supra parum convexa, punctato - striata, interstitiis subtilissime coriaceis, pube densa depressa cinereo - fulvescenti tecta. Pygidium sub - rotundatum, punctatum. Corpus subtus convexum, subtilissime punctulatum, pube simili obduc-

tum. Pedes omnes toti nigri, postici multo longiores et crassiores, femoribus omnino muticis.

15. BRUCHUS LATITHORAX: ovatus fuscus, thorace elytrisque albo tessellatis pube cinerea obductis, antennis pedibusque nigris, corpore subtus fulvo - pubescente.

Habitat in Sierra Leona. Dom. *Afzelius*. Mus. *Schönh.*

Magnitudo *Bruchi granarii*. Corpus totum fuscum; supra pube depressa cinerea et subtus pube fulvescente obductus. Caput deflexum crebre subtilissime punctulatum, collo brevi thoraci adnexum, inter oculos obsolete carinatum; oculi majusculi lunati, parum prominuli, sub - approximati nigri. Antennae vix longitudine dimidii corporis tenues sub - filiformes, articulo primo obconico, secundo brevi globoso, reliquis aequalibus oblongis, ultimo ovato sub - acuminato. Thorax latus, transversus valde brevis, antice paullo angustior, rotundatus, lateribus immarginatis, postice distincte bisinuatus, lobo scutellari lato rotundato, angulis acuminatis, supra modice convexus, fuscus, opacus, subtiliter rugoso - punctatus, fusco - alboque variegatus. Scutellum parvum triangulare albido pubescens. Elytra thorace paullo latiora et pone basin valde dilatata, apice singulatim rotundata supra parum convexa, nigra opaca, regulariter at non profunde punctato - striata interstitiis subtilissime coriaceis, pube fusco - alboque variegata. Pygidium et corpus subtus subtilissime punctulatum, fulvescenti pubescens. Pedes omnes toti nigri, femoribus muticis.

16. *BRUCHUS CARDUI*: ovatus niger, pube densa de pressa cinereo-albida tectus, thorace transverso brevi, antennis pedibusque nigris.

Br. cardui. Dom. Steven in Litt.

Hab. in Tauria et Iberia Dom. Steven; in Lusitania Dom. Lundstedt. Mus. Schönh.

Magnitudo *Br. cisti*. Corpus totum nigrum pube densa cinereo - albida obductum. Caput deflexum, creberrime subtiliter punctulatum; oculi lunati, prominuli, sub approximati, nigri. Antennae capite cum thorace paullo longiores articulo primo majori obconico, sequentibus subaequalibus elongatis. Thorax latus, transversus valde brevis, antice paullo angustior rotundatus, postice bisinuatus lobo scutellari lato rotundato, angulis acuminatis, supra modice convexus, subtiliter rugoso - punctatus. Scutellum parvum, triangulare. Elytra thorace paullo latiora et pone basin adhuc magis dilatata, apice singulatim rotundata, supra parum convexa nigra opaca punctato - striata, interstitiis subtilissime coriaceis, pube densa depressa cinerea tecta. Pygidium nigrum punctulatum. Corpus subtus convexum, subtiliter punctulatum pube simili tectum. Pedes omnes toti nigri, femoribus muticis, tibiis ad apicem spinis duabus armatis.

17. *BRUCHUS SERRIPES*: fusco - brunneus, sericeo - pubescens, thorace marginato parce et sat profunde punctato, antennis profunde serratis longitudine fere corporis, femoribus posticis magnis crassis, subtus dentatis crenulatisque.

Br. serripes Hoffmanssegg. Dom. Schneider in Litt.

Hab. in America meridionali? Mus. Schönh.

Inter majores hujus generis, fere magnitudine et statura *Cistelae sulphureae*.

Corpus totum fusco - brunneum, sericeo - pubescens. Caput deflexum, subtriangulare, crebre punctulatum, inter oculos carinatum, collo longiore, angustiore thorace adnexum; ore flavescente palpisque fusco - brunneis; oculi magni lunati valde prominuli aurati, inter antennas fere conniventes. Antennae longitudine corporis, articulo primo obconico, secundo brevissimo, reliquis obconicis valde serratis, ultimo ovato, sub - acuminato. Thorax trapeziformis, antice paullo angustior sub - truncatus lateribus posticeque marginatus; postice bisinuatus, angulis sub - acuminatis, supra parum convexus, profunde at non crebre punctatus. Scutellum oblongo - quadratum bi - paritum. Elytra thorace vix dimidio latiora et quadruplo longiora, pone basin adhuc magis dilatata humeris angulatis, apicem versus attenuata, singulatim rotundata, supra sub - depressa, punctato - striata, interstitiis subtilissime coriaceis, fusco brunnea, sericeo - pubescentia. Pygidium angustum, semi - ovatum concolor. Corpus subtus saturatius, crebre subtiliter punctulatum, pube simili uti elytra tectum. Pedes fusco - brunnei, quatuor anteriores tenues, postici multo longiores, femora maxima ovata, subtus margine exteriori valde denticulata, denticulo infimo majore, ante medium etiam interne dentibus duabus parvis, tibiae posticae valde arcuatae, tarsi omnes fulvescenti spongiosi

ANTHRIBUS.

18. ANTHRIBUS ALBIFRONS: oblongus, nigro - piceus, capite rostro thoracisque antico pube densa albida, tectis,

pedibus albo - nigroque annulatis , elytris piceis variegatis ,
plaga magna communi lunata notatis.

Anthribus lunatus ? Fabr. Syst. Eleuth. 2. 409. 21.

Subgenus *Euparius*. Schönh. Curculionidum disposit.
methodica.

Habitat in America boreali , a Dom. Sturm sub
nomine *Anthrib. albifrons* Melsheim , communicatus. Mus.
Schönh.

Magnitudo *Anthribi albirostris*. Caput latum , defle-
xum , pube densa albida tectum , rostrum latum , conve-
xum , breve , apice rotundatum , pube simili obductum ;
oculi laterales globosi nigri. Antennae longitudine tho-
racis , tenues , ferrugineae , clava nigricante. Thorax ob-
longior , antice coarctatus , truncatus , lateribus sub - rotun-
datus , basi bisinuatus , margine sub - reflexo , angulis pro-
minulis , supra convexus , pulvinatus , nigro-fuscus , in me-
dio baseos impressus , antice et lateribus pube densa cine-
reo - albida tectus dorso obscuriore. Scutellum minutum
rotundatum. Elytra thorace parum latiora et illo triplo-
longiora , apice obtuse rotundata , supra valde convexa ,
sub - cylindrica picea , punctato striata , interstitiis alternis
elevatioribus , maculis sparsis , atris et cinereo - albidis ,
alternantibus tessellatis , in dorso antico plaga magna com-
munis sub - lunata albida. Corpus subtus fusco - piceum ,
punctatum , lateribus abdominis albido - pubescentibus. Pe-
des longiusculi rufo-picei ; tibiae basi apiceque nigrae , me-
dio albae , tarsi nigri articulo primo albo.

19. ANTHRIBUS TESSELLATUS : oblongo - ovatus nigro -
fuscus , opacus , thorace longiore , elytris maculis cinereis

sub - quadratis tessellatis , antennarum basi tibiisque testaceis.

Anthribus bostrichoides. Müll. Germ. Mag. IV. p. 188. 4. forte.

Anthribus nebulosus. Dej. Catal. p. 78.

Subgenus *Brachitarsis*. Schönh. Curcul. dispos. meth. Habitat in Styria ; a Com. *Dejean* sub nomine

Anthr. sepicolae Ziegl. communicatus. Mus. Schönh.

Summa similitudo Anthrib. varii minoris , sed dif- fert statura multo oblongiore et colore antennarum pedum- que alio. Corpus totum nigro - fuscum opacum , pubescens. Caput deflexum , fronte parum convexa , punctulata , ro- strum capite brevius , apice rotundato ; oculi laterales , ro- tundati parum prominuli , nigri. Antennae thorace paullo breviores , tenues , basi testaceae , clava fusca. Thorax latitudine longior , antice rotundatus , angustior , angulis com- pressis , lateribus rotundatus , postice sub-truncatus elevato- marginatus , angulis parum prominulis , supra valde con- vexus , pulvinatus , opacus , crebre punctulatus , in dorso canaliculata obsoleta cinereo - pilosa. Scutellum parvum , rotundatum , cinereo - pubescens. Elytra thoracis basi pa- rum latiora et illo vix triplo longiora , oblongo - ovata ; apice singulatim rotundata , supra convexa , nigro - fusca punctato - striata , interstitiis planis subtilissime rugulosis , in interstitiis maculae sub - quadratae fuscae et cinereo pilosae alternantes. Corpus subtus nigro - fuscum puncta- tum , pube densa depressa sericeo - nitida tectum. Pedes breves , validi , fusco - picei , tibiis testaceis.

A T T E L A B U S.

20. *ATTELABUS RHOIS*: rufo - ferrugineus, lanugine flavo - sericea nitida obductus, capite thoraceque canaliculatis, oculis brunneis, pedibus dilutius testaceis.

Attelabus rhois Knoch. Dom. Schneider in Litt.

Habitat in America? Mus. *Schönh.*

Magnitudo *Rynchit. populi*. Corpus totum rufo-ferrugineum, supra lanugine depressa, vario modo contorta, flava - sericea nitida obductum. Caput oblongum, sub-cylindricum, canaliculatum, obsolete punctatum; oculi globosi, prominuli, brunnei; rostrum capite paullo brevius, crassum arcuatum, profunde punctatum, apice nitidum. Antennae capite cum rostro paullo longiores, pilosae. Thorax sub-quadratus, antice paullo angustior, apice truncatus, basi sinuatus, modice convexus, in medio canaliculatus, undique punctatus, utrinque in dorso foveola impressa. Scutellum breve latum, punctatum. Elytra thoracis basi dimidio latiora, humeris prominulis, et illo vix triplo longiora, apice singulatim rotundata, dehiscencia, supra modice convexa, profunde punctato-striata, antice ad suturam impressa. Thorax subtus et pedes rufo-testacea punctata; venter dilutior, magis nitidus, parce et obsolete punctulatus, vellere brevi tectus. Pedes elongati dilutius rufo-testacei, sub-nudi, femoribus clavatis.

21. *ATTELABUS BRACHIATUS*: nigro - piceus, glaber, elytra inaequalia, obsolete, non crebre striato-punctata, postice callosa sub-retusa, pedibus anticis valde elongatis, femoribus clavatis tri-dentatis.

Hab. in Cayenna. Dom. *Thunberg*. Mus. *Schönh.*

Attelab. longimano facie et statura similis, sed demidio minor, colore et femoribus omnibus dentatis abunde distinctus. Corpus totum nigro-piceum, glabrum. Caput oblongum, sub-cylindricum, obsolete rugoso-punctatum; oculi sub-laterales, globosi, parum prominuli, glauci; rostrum capite paullo brevius, crassum, arcuatum, sulcatum. Antennae vix longitudine capitis cum rostro, pilosae dilutius piceae. Thorax sub-quadratus, lateribus rotundatis, basi apiceque truncatus, supra modice convexus, parce subtiliter punctulatus, ad basin linea transversa impressus. Scutellum breve transversum, rotundatum, apice laeve. Elytra thoracis basi dimidio latiora et triplo longiora, humeris angulato-rotundatis, apice singulatim rotundata, supra modice convexa inaequalia, prope scutellum sat profunde et late impressa, ad apicem callo lato sed parum elevato, obsolete at non crebre striato-punctata, interstitiis glabra. Corpus subtus sat profunde punctatum. Pedes nigro-picei; anticis valde elongatis, femoribus clavatis tridentatis, dente anteriore valido acuto, secundo tertioque in medio ad latera interiora, minores; tibiis arcuatis dilutioribus; posteriores multo breviores, femoribus parum incrassatis, dente parvo ad apicem armatis; tarsis omnibus cinereo-spongiosis.

R H Y N C H I T E S.

22. RHYNCHITES AENEUS: virescenti-aeneus, griseo-pilosus, thorace inaequali, antennis nigris, pedibus piceis.

Habitat in America? sub allato nomine a Dom. *Schneider* missus. Mus. *Schönh.*

Magnitudo et fere statura *Rynchit. cuprei*. Corpus obscure virescenti - aeneum, pilis erectis fusco - cinereis adpersum. Caput elongatum, convexum, punctatum, canaliculatum, postice nitidum impunctatum; oculi globosi brunnei, parum prominuli; rostrum capite longius, sub-arcuatum, sulculis abbreviatis exaratum, basi olivaceum, extrorsum fusco - piceum, parum dilatatum. Antennae vix capite cum rostro longiores, nigrae, clava fusca, pubescente. Thorax oblongus, angustus, fere cylindricus, anterius tamen paullo angustior, basi apiceque truncatus, lateribus sub-rotundatus, supra parum convexus, utrinque in medio impressus, obsolete carinatus, sat profunde punctatus. Scutellum rotundatum, depressum. Elytra thorace duplo latiora et quadruplo longiora, singulatim rotundata, supra convexa, punctato - striata, interstitiis singulis serie regulari e punctulis minoribus impressis. Color paginae inferioris saturator, pectore punctato, ventre sub-laevi, pubescente. Pedes elongati, obscure picei pubescentes, femoribus clavatis nitidioribus.

23. RHYNCHITES EXARATUS: atro - coeruleus sub-glaber, thorace transversim strigoso, elytris confertissime et sat profunde punctato - striatis.

Habitat. — Mus *Schönh.*

Magnitudo et statura *Rynchit. populi*. Corpus totum atro - coeruleum pilis minutissimis parce adpersum. Caput oblongum, angustum, sub-cylindricum, nitidum; fronte inter oculos impressa crebre punctata, vertice sub-laevi subtilissime strigoso; oculi brunnei, parum prominuli; rostrum longitudine capitis, crassiusculum, arcuatum,

apice nonnihil dilatatum, punctulatum; inter antennas canalicula parva impressa. Antennae crassiusculae, vix capite cum thorace longiores, atro-violaceae, clava fusco-pubescente. Thorax latitudine brevior, antice posticeque truncatus, lateribus rotundatus, immarginatus, postice nonnihil angulatus, supra modice convexus, juxta apicem constrictus et strigosus superficie reliqua transversim rugulosa. Scutellum breve, latum triangulare, in medio profunde impressum. Elytra thoracis basi paullo latiora et illo triplo longiora, humeris angulatis, apice rotundata, supra convexa, in dorso antico impressa, confertissime, regulariter et sat profunde punctato-striata, striis sedecim aut ultra. Corpus subtus concolor, sat profunde punctatum. Pedes atro-coerulei, antici longiores, femoribus clavatis.

24. *RHYNCHITES POLITUS*: oblongus, angustior, nigro-coerulescens, thorace profunde punctato, elytris sub-cylindricis vage punctatis.

Habitat in Tauria. Hoc nomine a Dom. *Steven* communicatus. Mus. *Schönh.*

Magnitudo et fere statura *Rynchit. nani*. Corpus totum glabrum, coerulescens, nitidum. Caput breve convexum, cum oculis thorace fere latius, parce punctulatum, postice canaliculatum; oculi globosi, nigri valde prominuli; rostrum capite cum thorace paullo brevius, nitidum, apicem versus, paullo dilatatum, supra fere planum, punctulatum. Antennae longitudine rostri cum capite, nigrae pilosae. Thorax oblongus, angustus, pone medium tamen parum latior, lateribus rotundatus, supra convexus, sat profunde sed minus crebre punctatus. Elytra thorace di-

midio latiora et triplo longiora, sub - cylindrica, apice rotundata, supra convexa, tota nitida vage punctulata; stria unica juxta suturam impressa. Corpus subtus sub - cyaneum, nitidum punctulatum. Pedes elongati, cyanei, femoribus clavatis. —

AULETES.

25. *AULETES TUBICEN*: oblongus, fusco - aeneus, cinereo - villosus, antennarum medio femorumque basi testaceis, elytris postice vage, anterieus seriatim punctatis.

Tubicenus rhynchitoides. Dej. Catal. p. 79.

Habitat in Dalmatia; a Dom. Com. *Dejean* benevole communicatus. Mus. *Schönh.*

Rynchite nano minor. Corpus totum fusco - aeneum, pube depressa cinerea tectum. Caput breve transversum, convexum, cum oculis thorace fere latius fusco - aeneum, creberrime punctulatum; oculi globosi valde prominuli, brunnei; rostrum capite fere duplo longius, porrectum, nigrum, nitidum, glabrum, obsolete punctulatum, versus apicem paullo latius, truncatum, ore testaceo. Antennae infra oculos insertae, thorace paullo longiores, pilosae, articulo primo nigro, 2 — 8 testaceis, clava oblonga nigra. Thorax oblongus, angustus, basi apiceque truncatus, lateribus pone medium rotundato - dilatatus, supra modice convexus, fusco - aeneus, crebre punctatus. Scutellum parvum triangulare, fusco - aeneum. Elytra thorace paullo latiora et vix triplo longiora, sub - linearia, apice rotundata, supra convexa, fusco - aenea confertim punctata,

punctis versus basin anteriorem sub - seriatis. Corpus sub-
tus fusco - aeneum, obsoletius punctulatum, pubescens.
Pedes elongati, picei, femoribus flavis apice infuscatis.

NERTHOPS.

26. NERTHOPS MULTIGUTTATUS: niger, antennis tarsis-
que piceis, thorace amplo - granulato, punctato, sub - ca-
rinato, elytris punctato - striatis, scabris, maculis sparsis
albo - squamosis.

Habitat in Cap. bon. spei. Dom. *Westerman*. Mus.
Schönh.

Nerthops Nov. Gen. *Schönh.* Curc. disp. meth.
Rynchites multiguttatus. Wiedem. in Litt.

Cion. scrophularii Auct. paullo major, praesertim
longior. Caput majusculum, nigrum, punctatum; frons
inter oculos foveola profunda impressa; oculi magni, ni-
gri, infra caput fere connexi; rostrum capite vix longius,
nigrum, crassiusculum, teres, punctatum, nutans, paulo
arcuatum, supra cinereo - squamosum; canalicula antenna-
lis profunde impressa, curvata. Antennae capite paullo
longiores, crassae, piceae, clava ovata. Thorax transver-
sus brevior, apice ipse constrictus, lateribus et postice
dilatatus, basi sinuatus, supra modice convexus, sub - ca-
rinatus, granulato - punctatus, lateribus albido squamosis.
Scutellum magnum, triangulare, acutum, nigrum, punc-
tulatum. Elytra ampla ovata, thorace multo latiora, sed
vix triplo longiora, supra parum convexa, humeris et po-

stice rotundata, punctato - striata, interstitiis crebre punctulatis, scabris, maculis plurimis parvis sparsis e squamulis albidis. Corpus subtus nigrum, punctulatum, pilis parvis cinereis adpersum. Pedes robusti, nigri, cinereo-pubescentes, femoribus incrassatis, anticis dente valido, acuto armatis; tarsis piceis.

BRENTUS.

27. BRENTUS TRUNCATUS: rufo ferrugineus, glaber; thorace oblongo - ovato, pedibus dilutius ferrugineis, elytris profunde striato - punctatis ochraceo maculatis, apice distincte truncatis, marginatis.

Brentus truncatus. Meg. in Litt.

Subgenus *Arrhenodes*. Schönh. Curc. disp. meth.

Habitat in Bengalia. Dom. *Westerman*. Mus. *Schönh.*

Br. maxilloso Auct. similis et affinis, sed abunde distinctus elytris truncatis. Corpus totum ferrugineum, glabrum. Caput breve latum, subtilissime punctulatum, pone oculos coarctatum; oculi laterales, globosi, prominuli, glauci; rostrum breve apice parum dilatatum inaequale, inter antenas transversim elevatum; mandibulae validae exsertae. Antennae capite thoraceque paullo longiores, filiformes, ferruginae, articulo primo crassioré, pube depressa cinerea tectae. Thorax oblongo - ovatus, antice posticeque truncatus, basi coarctatus, strigae duae elevatae, supra convexus, dilutius ferrugineus, subtilissime sed non crebre punctulatus. Scutellum triangulare in metathorace si-

tum. Elytra thoracis medio non latiora, duplo autem longiora, linearia, supra modice convexa, apice truncata, marginata, profunde striato-punctata, interstitiis impunctatis, rufo-ferruginea, maculis et lineis perpauca ochraceis variegata. Corpus subtile dilutius ferrugineum glabrum, nitidum, subtilissime punctulatum. Abdomen in mare longitudinaliter impressum. Pedes concolores, elongati, validi; antici multo longiores, femoribus clavatis, subtus ante apicem dente minuto acuminato armatis.

Femina differt: rostro brevi, cylindrico, capite parum longius porrecto.

28. BRENTUS FILICORNIS: ferrugineus, parce cinereo-pilosus, rostro antennisque pedibusque dilutioribus, thorace oblongo-ovato, elytris profunde striato-punctatis, ochraceo-maculatis lineatis, apice sub-truncatis.

Subgenus *Nemorhinus*. Schönh. Curc. disp. meth.

Habitat. ——— Mus. Schönh.

Br. canaliculato non longior, sed paullo latior et crassior. Corpus totum ferrugineum parce cinereo-pilosum. Caput elongatum, ad basin subtilissime rugoso-punctatum, apicem versus strigosum; oculi laterales globosi, prominuli glauci; rostrum longitudine thoracis, porrectum, parum arcuatum, filiforme. Antennae longitudine dimidii corporis, filiformes, dilutius ferrugineae, articulo primo longiore, sub-conico, sequentibus aequalibus, ultimo acuminato, pube depressa cinerea obductae. Thorax oblongo-ovatus, antice posticeque truncatus, ad basin coarctatus, margo ipse elevatus, apicem versus angustior, supra convexus, subtiliter at non crebre punctulatus. Scutellum vix visibile vel nullum. Elytra thoracis medio non

latiora, sed illo duplo longiora, sub-linearia, apice subtruncata, supra convexa ferruginea, lineis abruptis ochraceis praesertim ad basin et pone medium variegata, regulariter non profunde striato-punctata. Corpus subtus ferrugineum subtiliter at non crebre punctulatum, ano dilutiore glabro. Pedes elongati, validi, dilutius ferruginei, antici multo longiores femoribus clavatis, subtus ante apicem dente acuminato armatis, tarsis cinereo-spongiosis.

CLEONUS.

29. *CLEONUS PLANIROSTRIS*: niger, elytris tenue punctato-striatis, pube cinereo-albida variegatis, rostro supra plano, lateribus reflexo, marginato, fronte inter oculos sulcata.

Cleonus. Nov. Gen. Schönh. Curcul. disp. meth.

Habitat in Germania? Mus. Schönh.

Magnitudo et statura *Curcul. albidi* Auct. Caput breve, nigrum punctulatum, fronte inter oculos sulculo impressa; oculi oblongi, depressi nigri, laterales; rostrum capite vix duplo longius, crassum nigrum, rugoso-punctatum, supra planum, lateribus reflexis, elevatis. Antennae longitudine rostri cum capite, piceae, cinereo-pubescentes, clava acuminata. Thorax latitudine baseos fere longior, antice coarctatus, basi bisinuatus, supra parum convexus, niger granulato-coriaceus, lateribus et subtus pube densa depressa albida variegatus; in dorso antico carinula obsoleta elevata et ante scutellum fovea impressa.

Scutellum minutissimum. Elytra thorace paullo latiora et triplo longiora, apice rotundata, supra convexa, nigra, punctato-striata, interstitiis subtilissime coriaceis, transversim rugulosis maculis et punctis e pube cinereo-albida depressa variegatis, in dorso antico majoribus confluentibus. Corpus subtus nigrum, subtiliter coriaceum pube depressa cinereo-albida fere tectum; relictis basi ventris punctisque aliquot nigris nitidis. Pedes longiusculi nigri albido pubescentes, femoribus anticis crassioribus; posticis angustis, vix longioribus; tarsi picci.

30. *CLEONUS SCUTELLATUS*: nigro-fuscus, pube densa cinereo-flavescente tectus, elytris transversim rugulosis, scutello majusculo vellere flavo obducto, rostro sulcis tribus aequalibus.

Habitat. ——— Mus. *Schönh.*

Statura et summa similitudo *Curcul. sulcirostris* Auct. sed fere dimidio major. Corpus totum nigrum, pube cinereo-flavescente tectum, unde fuscum apparet. Caput breve, subtiliter punctatum; oculi oblongi, depressi, nigri; rostrum capite duplo longius, crassum, punctatum supra sulcis tribus latis et profundis pubescentibus, ad oculos usque productis exaratum, medio apicem versus paullo abbreviatum, interstitiis elevatis glabris. Antennae crassae, nigrae, clava dense cinereo-pubescente. Thorax latitudine baseos vix longior, anterie paullo angustior, ibique late sed non profunde emarginatus, basi bisinuatus supra modice convexus niger granulato rugosus, in medio obsolete canaliculatus et postice ante scutellum impressus.

Scutellum majusculum, triangulare, vellere denso pallido tectum. Elytra thoracis basi latiora et illo quadruplo longiora, apice rotundata, supra convexa nigra, crebre transversim rugulosa praesertim antierius, absque rudimentis striarum, postice callo mediocre notata. Corpus subtus nigrum subtiliter coriaceum, minus dense cinereo-pubesens. Pectore ventreque punctis sparsis denudatis notatis. Pedes medioeres, validi nigri, cinereo-pubescentes, femoribus anticis crassioribus, posticis longioribus arcuatis, spongiis tarsorum ferrugineis.

31. CLEONUS NUBECULOSUS: niger obscurus, pube densa depressa cinereo-fusca tectus, thorace canaliculato et in canalicula carinaula parva, rugoso-punctatus, elytris subtiliter punctato-striatis, rostro carinato.

Habitat in monte Caucaso. Dom. Steven. Mus. Schönh.

Subgenus *Bothinoderes*. Schönh. Curcul. disp. meth.

Statura et magnitudo omnino *Curcul. nebulosi* Auct. Corpus totum nigrum obscurum, pube densa depressa cinereo-fusca obductum. Caput breve, subtiliter coriaceum, fronte inter oculos carinula elevata e rostro continuata; oculi oblongi, laterales, parum prominuli, nigri, orbita oculorum dense albido villosa; rostrum capite vix duplo longius, crassum vix arcuatum, rugoso-punctatum, relicta carina longitudinali nuda, versus caput magis elevata, inter antennarum insertionem nonnihil rotundato-dilatata, sulculum parvum impressum includente. Antennae vix rostro cum capite longiores, nigrae, clava acuminata, ci-

nereo - pubescente. Thorax latitudine baseos vix longior, anterieus paullo angustior rotundatus, lateribus coarctatus emarginatus, pone oculos lobatus, basi bisinuatus, supra modice convexus, inaequalis, granulato-rugosus, in medio canaliculatus et in canalicula carinatus, postice ante scutellum impressus. Scutellum parvum, triangulare, vel- lere dense albido tectum. Elytra thoracis basi fere dimi- dio latiora et illo. vix quadruplo longiora, apice rotundata, supra convexa, nigra, subtiliter punctato - striata, inter- stitiis subtilissime coriaceis, postice callosa, pube cinereo- fusca obducta. Corpus subtus concolor, subtiliter coriace- um, pube simili uti elytra obductum, in medio ventris et ad latera punctis aliquot denudatis nigris. Pedes lon- giusculi nigri, femoribus parum crassis, postici paullo longiores; tarsi cinereo - spongiosis. —

32. *CLEONUS TENEBROSUS*: niger, pube depressa cine- reo - albida tectus, thoracis dorso longitudinaliter impresso carinato parce punctato, elytris rotundatis subtiliter punc- tato - striatis, rostro carinato.

Habitat in monte Caucaso. Dom. *Steven. Mus. Schönh.*

Subgenus *Bothynoderes*. Schönh. *Curc. disp. meth.*

Curcul. nebuloso. Auct. paullo major. Corpus totum nigrum pube depressa albida obductum. Caput breve subtiliter coriaceum, fronte inter oculos carinula elevata e rostro continuata; oculi oblongi, laterales, parum promi- nuli nigri; rostrum capite vix duplo longius, crassum, subrectum, rugoso - punctatum, relicta carina longiludinali nuda. Antennae rostro cum capite paullo longiores,

nigrae, clava acuminata cinereo-pubescente. Thorax latitudine bascos parum longior, anterieus angustior apice subrotundatus ad latera emarginatus pone oculos lobatus, ciliatus, basi bi-sinuatus, supra modice convexus, niger parce rugoso-punctatus, pube cinereo-albida praesertim ad latera adpersus, in dorso longitudinaliter impresus et in impressione carinatus. Scutellum minutissimum triangulare. Elytra antice thoracis basi paullo latiora et illo plus quadruplo longiora, pone basin parum dilatata, in medio marginis sinuata, apice rotundata, supra convexa nigra regulariter at non profunde punctato-seriata, interstitiis subtilissime coriaceis, vellere denso cinereo-albido depresso obducta, callo postico denudato nigro. Corpus subtus nigrum subtiliter coriaceum, cinereo-pubescent. Pedes longiusculi. Femoribus parum crassis, postici paullo longiores, tarsi cinereo-spongiosis.

